


2144

Infusorien

765



Physische  
1897

19

5/1

84

Z-66

(11)

# ԵՂԲԱՅՐԸ ԵՂԲՈՐ ԴԵՄ

(Վեկտօր Հիւզօհց)



84

Z-66

2003

ԹԻՖԼԻՍ

Տպարան Մ. Դ. Ռոտինեանցի

Տպոգրաֆія М. Д. Ротиніанца, Гол. пр., д. № 41.

1897

2019

37207 ик.

ГРНЦ РА

Дозволено цензурою. Тифлисъ, 12-го Августа, 1897 г.



20104. 60 4

Առաջին համարի առաջին բարեկարգ պատճերազմ կար: Վանդէ  
նահանգի բնակիչները փոփոլթիւններ չեն կա-  
մենում: Պարիզեցիները նրանց ապստամբներ  
անուանեցին և նրանց գէմ զօրք ուղարկեցին: Վան-  
դէացիները սաստիկ կերպով դիմադրեցին զօրքին:

I  
ՄՈՒՐԱՑԿԱՆ

Փրանսիայում ներքին պատճերազմ կար: Վանդէ  
նահանգի բնակիչները փոփոլթիւններ չեն կա-  
մենում: Պարիզեցիները նրանց ապստամբներ  
անուանեցին և նրանց գէմ զօրք ուղարկեցին: Վան-  
դէացիները սաստիկ կերպով դիմադրեցին զօրքին:  
Նրանք չունեին կանոնաւոր զօրք, այդ պատ-  
ճառով թշնամու գէմ գուրս բերեցին փոքրիկ  
խմբեր միայն, որոնք կովում էին ցրված ոլժե-  
րով: Սասօր մի տեղ յաղթված՝ նրանք վազը հա-  
ւաքվում էին մի ուրիշ տեղ, աւելի լաւ համարե-  
լով մեռնել, քան թէ հնազանդվել, որովհետև ար-  
դարութիւնը իրանց կողմն էին համարում: Կոխը  
բորբոքվում, աւելի կատաղի էր դառնում: Պարիզե-  
ցիները կամենում էին, որքան կարելի է շուտ վա-  
խեցնել և այդպիսով վերջ տալ պատճերազմին, բայց  
որքան շատ էին անգթութիւններ գործ դնում,

այնքան աւելի սաստիկ կերպով էին վանդէացիները  
վրէժխնդիր լինում ամեն մի անգթութեան համար:

Երբեմն անդորր, խաղաղ երկերը տրեան դաշտ  
էր ներկայացնում: Եւ այդ սարսափելի դրութիւնը  
երկար շարունակվեց: Հազարաւոր հանրապետական-  
ներ, կամ ինչպէս ժողովուրդն էր անուանում պա-  
րիզեցիներին՝ «կապուտներ», չէին կարողանում յաղ-  
թել իրանց թշնամի միապետականներին, կամ  
ուրիշ խօսքով՝ «սպիտակներին», թէև «սպիտակնե-  
րը» համեմատելով շատ քիչ էին: Նրանց անվեհեր  
և քաջ առաջնորդներին բռնելու համար՝ «կապուտ-  
ները» մեծ պարզեցներ էին խոստանում: Պրա հա-  
մար պատերին և ճանապարհների մօտ տնկած սիւ-  
ներին բազմաթիւ յայտարարութիւններ էին կազցրած:

Մի անգամ, երեկոյեան, այդպիսի յայտարարու-  
թիւններից մէկի առաջ կանգնեց մի անցորդ, բար-  
ձրահասակ, վայելչակազմ ծերունի՝ գիւղացու հա-  
գուստով: Արդէն մթցած էր. նա դժուարութեամբ  
կարդաց յայտարարութիւնը: Այնտեղ գրված էր, որ  
վաթսուն հազար լիվ՝ ոսկով՝ պարզե կը տրվի  
նրան, ով որ կը բռնի տեղական ապստամբների  
գլխաւոր՝ մարկիզ Լանտենակին, և կը յանձնի «կա-  
պուտների» բանակին: Յայտարարութեան տակը կար  
մի ինչ որ ստորագրութիւն, բայց անցորդը չը  
կարողացաւ կարդալ, թողեց և հեռացաւ: Լուսինը  
դուրս եկաւ: Անցորդը՝ հասնելով մինչև ճանապար-  
հի այն տեղը, ուր նա բաժանվում էր մի քանի  
ճիւղերի, կանգ առաւ և սկսեց մտածել: Նա, ինչ-

պէս երևում էր, չը գիտէր ո՞ր կողմը թեքվի:

— Դէպի ուր, հարցը մի ձայն:

Անցորդը յետ նայեց:

Ճանապարհի վրա բուսած թփերի ետևին դուրս  
եկաւ ալեխառն մազերով, ցնցոտիներ հազած, բար-  
ձրահասակ և մէջքը կռացած մի ծեր մարդ: Ցեն-  
վելով փայտի վրա՝ նա կանգ առաւ և կըկնեց.

— Դէպի ուր:

— Քեզ ինչ, պատասխանեց անցորդը:

— Աւելի լաւ է ասես:

— Ո՞վ ես դուք:

— Ես մուրացկան եմ, իսկ դու՛ մարկիզ Լան-  
տենակը:

Անցորդը ծաղկելով վրա բերեց.

— Դու ինձ հետամուտ ես եղել, որ մատ-  
նես... Քո բախտը...

Պատասխանի փոխարէն ծերունին հարցը եց.

— Դու այն գիւղն էիր գնում:

— Այն:

— «կապուտները» այնտեղ են:

— Նատ ժամանակ է:

— Այսօր երեք օր է: Ասում են, որ վազը պի-  
տի հեռանան:

— Նատ են:

— Այնտեղ միայն կէս վաշտ է. իսկ գունդը  
հեռու է:

— Գունդի հրամանատարը ով է:

— Հրամանատարը Սիմուրդէնն է:

։ Իսկ ժողովուրդը ընդունեց նրան։  
 —Ի՞նչպէս չընդունէր։  
 —Բոլորովին չը կռուեցին։  
 —Բոլորովին։  
 —Ի՞նչ մարդիկ են... ասաց մարկիզ։ Մի  
 քիչ լռելուց յետոյ՝ նա աւելացրեց։  
 —Դիւղումը ժողովրդին ծանուցում եղել է։  
 —Եղել է։  
 —Ինչի՞ համար։  
 —Որ քեզ բռնեն։ Յալտարարութիւնը տեսար։  
 —Տեսայ։  
 —Այ, քեզ փնտրում են։ Դնանք ես քեզ կը  
 թագնեմ։  
 =Ո՞րտեղ։  
 —Ինձ մօտ։ Ես մի տնակ ունեմ։ Ներքնա-  
 տան նման մի բան է։  
 Մարկիզը հարցրեց։  
 —Ուրեմն դու մեր՝ «սպիտակների» կողմն ես։  
 —Ես ոչ ոքի կողմը չեմ։ Ես մուրացկան եմ։  
 —Այնուամենալիւ դու տեսնում ես, որ կը-  
 վում են։ Ուրեմն դու որի կողմն ես։  
 —Ես այդ տեսակ գործերում չեմ խառնվում։  
 —Բայց չէ որ դու այս պորեիս ասացիր, որ  
 ուզում ես թագնել ինձ։  
 —Ի՞նչ կայ։ Երբ մի մարդու կամենում են բռնել,  
 պէտք է նրան ազատել։ Ասում են, որ դու՝ օրէն-  
 քի համաձայն՝ պէտք է մեռնես։ Ես օրէնքից խա-  
 բարութիւն չունեմ։ Նատ անդամ քիչ է մնացել,

որ ես քաղցածութիւնից մեռնեմ։ Միթէ այդ-  
 պիսի օրէնք էլ կայ։  
 —Նատ ժամանակ է, ինչ որ մուրացկանու-  
 թիւն ես անում։  
 —Ամբողջ կեանքս մուրացկանութեամբ եմ  
 անց կացրել։  
 —Բայց դու գիտես, որ ով ինձ մատնի, լաւ  
 փող կը ստանայ «կապոյտներից»։  
 —Գիտեմ։  
 —Վաթսուն հազար լիվը, ոսկով։  
 —Այն էլ ոսկնի։ Այդ աւելի լաւ է, քան թէ  
 թուղթ փողով։  
 —Մի ամբողջ հարստութիւն է։  
 —Ի հարկէ։ Ես էլ հէնց գրա մասին էի մը-  
 տածում։ Կը գտնվի մէկը, որ կամենալով հարստա-  
 նալ, հետամուտ կը լինի քեզ և կը մատնի։ Աւելի  
 լաւ կանես, որ ինձ մօտ թագնվես։ Իսկ վաղը «կա-  
 պոյտները» իրանց լրտեսների հետ այստեղից կեր-  
 թան, այն ժամանակ դու էլ կերթաս։  
 Մարկիզը հետևեց մուրացկանին։  
 Նոքա իջան գէպի ձորը։ Գետնի տակ, հին  
 ծառերի արմատների արանքներում, գտնվում էր մի  
 գետնափոր. այդ գետնափորը մուրացկանի բնակա-  
 րանն էր։ Նա մութն էր և ցած. բայց երկու հո-  
 գու համար տեղ կար։ Անկիւնում դրած էր ջրի ա-  
 մանը և մի սև հաց. իսկ դրանց մօտ թափած  
 էին խորոված շագանակներ։  
 —Արի ընթրիք անենք, առաջարկեց տանտէրը։

Նրանք բաժանեցին շագանակները։ Մարկիզը  
իր մօտ եղած սպիտակ պաքսիմատը կէս արաւ, իսկ  
մուրացկանը իր սև հացը։ Կերան և վրան էլ միե-  
նոյն ամանից ջուր խմեցին։

Խօսակցութիւնը դարձեալ ակսվեց։

—Ուրեմն դու չը գիտես, թէ ում աջողու-  
թիւն ցանկանաս, հարցրեց մարկիզը։

—Մի կողմի աջողութիւնը միւս կողմի գըժ-  
բախտութիւնն է, պատասխանեց մուրացկանը։ Ես  
մէջը չեմ խառնվում։

—Անունդ ինչ է։

—Ինձ անուանում են «Ծերուկ»։ Քառասում  
տարի կը լինի, որ այդպէս են անուանում ինձ։

—Բայց չէ որ քառասուն տարի առաջ դու ջա-  
հէլ ես եղել։

—Ես չեմ լիշում թէ երբ եմ չահէլ եղել։ Տես,  
ես և դու մի տարիքի մարդիկ ենք. դու առողի ես,  
առողջ, իսկ ես՝ հազիւ եմ կարողանում ոտներս  
շարժել։

—Դու ալստեղացի ես։

—Ալստեղացի եմ։

—Դու ինձ որտեղից ես ճանաչում։

—Ի՞նչպէս չը ճանաչեմ քեզ։ Քո կալուածքը  
ալստեղ է։ Սրանից երկու տարի առաջ դու գնացիր  
Անդլիա։ Ես քեզ դեռ առաջ էլ շատ եմ տեսել։

—Իսկ ես բոլորովին չեմ լիշում քեզ։

—Ես մուրացկան եմ. մուրացկանին ովկը կը լիշի։

—Ես քեզ մօտիկուց տեսել եմ։

—Այն էլ քանի անգամ։ Ողորմութիւն ես տու-  
ել. տուողը՝ չի էլ նայում. իսկ վերցնողը՝ ամենքին  
էլ միտն է պահում։ Երբեմն օրերով ուտելու հաց  
չի լինում։ Մէկը քեզ մի կոպէկ է շպրտում. այդ  
կոպէկը—հաց է։ Ի՞նչպէս կարելի է միտը չը պա-  
հել։ Իսկ հիմա իմ հերթս է. ես եմ քեզ օգնում։  
—Դու ինձ ազատում ես։ Ուրեմն աւելի քան  
օգնութիւն։

—Ազատում եմ։ Միայն մի պայմանով։

—Ի՞նչ պայմանով։

—Որ դու ալստեղ ոչ մի չար դիտաւորութիւն  
չունենաս։

—Ընդհանրակառակը՝ իմ դիտաւորութիւնները բա-  
րի են։ Ես կովում եմ ճշմարտութեան համար։

—Եթէ այդպէս է, փառք Աստուծոյ։ Հիմա  
քննեք։

Նրանք միմեանց մօտ պառկեցին խոտի վրա և  
երկուսն էլ քննեցին։

Առաւօտեան, երբ մարկիզը զարթնեց, մուրաց-  
կանն արդէն վեր էր կացել։ Նա կանգնած էր իր  
գետնափոր տնակի մօտ, լենվելով փայտի վրա։ Ուրե-  
գակը լուսաւորում էր նրան։

— Ֆամի չորսն է, ասաց նա մարկիզին։ Մօտիկ  
եկեղեցու զանգակատան ժամացոյցը խիեց. քամին  
բերում էր ձալնը։ Գիւղում ամեն ինչ հանգարտ է։  
«Կապոյտները» կամ քնած են, կամ թէ հեռացել  
են։ Հիմա մենք պէտք է միմեանցից բաժանվենք։  
Ես իմ գործին կը գնամ, դու՝ քո։

—Մնաս բարով։ Յետոյ աւելացրեց. —Գնալիս  
կարող ես հետդ շագանակ վերցնել։

Ասաց ու գնաց։

Մարկիզը վերկացաւ, նայեց չորս կողմք։ Այն-  
տեղ, ուր նա երէկ պատահել էր մուրացկանին,  
կանգնեցրած էր մի քարէ հին խաչ, որի վրա կըպ-  
ցրած էր յայտարարութիւն։ Այդ յայտարարութիւնը  
մարկիզը դեռ երէկ էր տեսել և գիտէր, որ այդ էլ  
այն յայտարարութիւններից մէկն է, որ նա երէկ  
կարդացել էր։ Նա միտը բերեց, որ երէկ՝ մթին լի-  
նելու պատճառով, չը կարողացաւ բոլորը պարզ կար-  
դալ։ Այժմ արեգակը պայծառ լուսաւորում էր։ Գե-  
ղեցիկ առաւօտ էր. կարմրակատար թռչունները եր-  
գում էին. ծտերը՝ ծլվում։ Մարկիզը գնաց դէպի  
խաչը, որ երէկվայ կիսատ մնացածը կարդալ։

Այն տողերի տակ, որոնցով իրան բռնելու համար  
պարզե էին խոստանում, մանր տառերով գրված էր.

«Երբ մարկիզ Լանտենակը բռնվի, իսկոյն գրն-  
դակահար կը լինի»։ Ստորագրված էր. «Վաշտի  
Հրամանատար՝ Գովէն»։

— Գովէն... կրկնեց մարկիզը ինքն իրան։

Մի անգամ էլ կարդաց, դառնութեամբ կրկնեց  
այդ անունը, յետոյ նայեց դէպի հեռուն և գնաց։

Գովէնը նրա հարազատ քրոջ որդին էր, և միե-  
նոյն ժամանակ նրա թշնամին, որովհետև հանրապե-  
տականների կողմն էր և գնդապետ Սիմուրդէնի սահնը։  
Գնդապետ Սիմուրդէնը, որ խելօք և հաստատակամ  
մարդ էր, սիրում էր Գովէնին, ինչպէս իր ընկեր-

ներից և ստորագրեալներից ամենալաւկին։ Բացի դը-  
քանից անզաւակ լինելով, Սիմուրդէնը սիրում  
էր Գովէնին այնպէս, ինչպէս հայրը սիրում է  
իր որդուն։ Նրանք միևնուն գաղափարի մարդիկ  
էին և միևնուն ձգտումներն ունէին։ Արիւնակից չէին  
նրան, բայց հոգւով միմեանց շատ մօտ էին։ Սի-  
մուրդէնն էր կրթել Գովէնին։ Իսկ Գովէնի կարծիքով  
Սիմուրդէնը ամենալաւ մարդն էր։ Նրանք երկուսն  
էլ ջերմ կերպով սիրում էին հայրենի երկիրը, եր-  
կուսն էլ պատրաստ էին իրանց կեանքը զոհել հայ-  
րենիքի համար, երկուսն էլ Լանտենակին և նրա  
կողմնակիցներին համարում էին հայրենիքի թշնամի։

## II

### Ա Խ Ե Ր Մ Ո Ւ Խ Ք

Մուրացկանը հեռու գնաց։ Նա վերադարձաւ  
ուշ, իրիկնադէմին։ Վերադառնալիս նա տեսաւ, որ  
գիւղից մեծ ծուխ է բարձրանում։ Մուխը զանա-  
գան տեսակ է լինում, նայած թանձրութեանը և  
գոյնին։ Նա լինում է հանդարտ, այդ՝ վառարանի  
ծուխն է, երբ ընտանիքը իր համար կամ ճաշ է  
պատրաստում, կամ ընթրիք. լինում է զարհուրելի,  
չարագուշակ, այդ՝ հրդեհի ծուխն է։ Մուրացկանը  
իսկոյն գլխի ընկաւ, որ իր տեսած ծուխը չարագու-  
շակ է. ծխի քուլաները՝ բորբոքված կրակի միջից  
վեր էին բարձրանում. երկինքը կարմրել էր կրա-  
կի բոցերից։

Նա գնաց դէպի գիւղի կողմը: Նա կամենում  
էր իմանալ, թէ ինչ է պատահել այնտեղ:  
Մօտակայ բլրակից ամեն ինչ պարզ երևում  
էր. գիւղի տեղը մնացել էր ալրփող աւերակների  
մի կոլտ:

Մուրացկանը կարծես քար կտրեց: Նրա առաջ  
ահագին խարոյկը վառվում, բորբոքվում էր. արգե-  
լող չըկար: Մարդու հետքն անդամ չէր երևում.  
ձայն չէր լսվում:

Բայց որտեղ են թագ կացել բնակիչները: Ճըշ-  
մարիտ է, նոցա թիւը մեծ չէր, որովհետև գիւղն  
էլ փոքր էր, բայց եղածներն ուր են: Ծերուկի հա-  
մար այդ հանելուկ էր: Նա շապեց լուծել այդ  
հանելուկը: Նրա սիրտը կտոր-կտոր էր լինում:

Մօտենալով, նա տեսաւ մի սարսափելի սև կոյտ,  
որ մի կողմից թուլ կերպով լուսաւորված էր լուս-  
ով, միւս կողմից՝ հրդեհի լուսով: Գրանք  
դիմաներ էին: Ծերուկը կռացաւ, որ տնտղի: Սպան-  
ված զինուորներ էին դրանք: Այս «կապոյտներից»,  
որոնց նախընթաց երեկոյին նա կենդանի էր տեսել:  
Ահա էլի դիմաներ. դարձեալ դիմաներ: Վիրաւոր-  
ված չը կալ, ամենքը մեռած են: Երևի լազմողնե-  
րը դիմամբ էին բոլորին սպանել:

Այդտեղ ընկած էին երկու կին, միմեանց մօտ,  
պատի տակ: Մէկի գլուխը չորս գնդակ էր ծակել:  
Միւսը գունատ էր, տչքերը փակ, կարծես ուժաթափ-  
ված լինէր: Մուրացկանը շօշափէց նրա ուսի բոլորակ  
վէրքը և կոտրած ոսկորը. բայց մարմինը դեռ տաք էր:

Նա Զեռքը դրեց նրա կրծքի վրա: Սիրտը թուլ  
կերպով բարախում էր:

— Այստեղ կենդանի մարդ չը կայ, կանչեց նա  
բարձրածայն:

Մի ինչ որ ձայն պատասխանեց. — Այդ դու ես,  
ծերուկ:

Աւերակների միջից երկու գլուխ երևացին: Եր-  
կու գիւղացի կարողացել էին ազատ մնալ կոտորա-  
ծից: Նրանք սիրտ արին և գուրս եկան աւերակ-  
ների միջից: Մօտեցան մուրացկանին: Ծերուկը մա-  
տով նրանց ցոյց տուեց՝ իր ոտների մօտ ընկած կնոջը:

— Կենդանին է, հարցրեց մէկը:

Ծերուկը գլխով արեց:

— Իսկ միւսը: Գիւղացին ցոյց տուեց միւսին:

Ծերուկը գլխով բացասական պատասխան տու-  
եց: Գիւղացին սկսեց ցածր ձայնով պատմել, վա-  
խենալով ձայնը բարձրացնելու:

— Ահա, ինչպիսի անգիտութիւններ են գոր-  
ծում... Ես մառանում թագնվեցալ... Տունս ալրե-  
ցին... Ո՞հ, որքան ես Աստուծուն փառք էի տալիս,  
որ կին, երեխայ չունիմ: Տէր իմ Աստուած, որքան  
մարդ կոտորեցին: Ամենքին, ում կարողացան: Մա-  
րիամը, ահա այս վիրաւորվածը, երեք երեխաներ  
ունէր: Երեք փոքրիկ մանուկներ: Երեխաներն  
աղաղակում էին, «մալրիկ» էին կանչում. մալրն էլ  
երեխաներին էր կանչում: Մօր վրա հրացան ար-  
ձակեցին, իսկ երեխաներին վերցրին իրանց հեա տա-  
րան: Տէր Աստուած, ինչպէս մարդիկ գազան են դառ-

նում: Յարձակվեցան: Ոչ ոք չէր սպասում... Ուրեմն  
մայրը կենդանի է: Պէտք է նրա համար հոգալ:  
Քո բնակարանը տանենք, Ծերոնկ:

Մուրացկանը դարձեալ գլխով արեց: Նա չէր  
կարողանում խօսել: Հաստ ճիւղեր կտրատեցին, պատ-  
գարակ շինեցին. և վրան դնելով վիրաւորվածին՝  
տարան:

Ճանապարհին, գիւղացիների մէջ, նոյն օրվաք  
անցքի մասին էլի խօսակցութիւն սկսվեց:

— Բոլորին կոտորեցին: Ամեն ինչ այրեցին:

Ա՛յ, թէ ինչե՞ր են անում հիմա:

— Տեսար, ինչպէս էին սպանում:

— Ի՞նչպէս չը տեսալ. մի բարձրահասակ մարդ  
կար, նա էր հրամայում սպանել:

— «Սպիտակների» մի ամբողջ զօրաբաժին յար-  
ձակվեց: Իսկ այդ բարձրահասակ մարդը նրանց գլու-  
խաւորն է, մարկիզը:

— Ի՞նչ մարկիզ:

— Այստեղի մարկիզը, Լանտենակը: Ասում են,  
նոր է վերադառն Անգլիալից: Տեղեկութիւն ստաց-  
վեց, որ նաւով եկել է: Ուզեցին նրան բռնել, բայց  
նա, ինչպէս երեսում է, ծպտեալ կերպով կարողա-  
ցել է գալ և միանալ իր կողմնակիցներին: Նրա կող-  
մանակիցները սպասում էին նրան: Նա իսկովն նրանց  
օգնութեամբ յարձակվեց «կապուտների» վրա: Իսկ  
գիւղը հրամայեց կրակ տալ նրա համար, որ թոյլ  
էին տուել «կապուտներին» մտնել գիւղը: Ախր գիւ-  
ղացին ինչպէս չը թոյլ տալ, որ զօրքը մտնի գիւղը:

Մուրացկանը ինքն իրան ասաց. Հը... այ թէ  
ինչպիսի խաղ խաղաց Լանտենակը: Եթէ առաջուց  
իմանալի»...:

III

ՄԱՅԻԼ

Մարիամը ծանր կերպով էր վիրաւորված. գըն-  
դակը վնասել էր թոքի վերին մասը: Գիւղացիների  
մէջ ծերուկը բժիշկ էր համարվում. նա երեմն  
բժշկում էր գիւղացիներին: Ոմանք ասում էին, որ  
նա կախարդութեամբ է բժշկում:

Վիրաւորվածը պառկած էր նրա գետնափորում:  
Ծերուկը վէրքերի վրա ինչ որ գեղ դրեց. վիրա-  
ւորուածը կամաց-կամաց առողջանում էր:

Մի անգամ հիւանդը ծերուկի օգնութեամբ  
կարողացաւ գուրս գալ խրճիթից և նստել ծառի  
տակ: Արևը տաքացնում էր նրան: Նա երկար նա-  
յում էր գէպի հեռու, հեռու...

Ծերուկը ուրախ էր, որ կարողացաւ առողջաց-  
նել վիրաւորվածին: Նա ժապտալսվ ասաց.

— Վէրքերդ, փառք Աստուծոյ առողջացան:  
Հիւանդը պատասխանեց,

— Գլխաւոր վէրքը չառողջացաւ:  
Նա դեռ ևս դժուարութեամբ էր կարողանում  
խօսել: Մի քիչ լրելուց յետոյ աւելացրեց.

— Դու չը գիտես որտեղ են նրանք:  
— Ովքեր, հարցրեց ծերուկը,  
— Երեխաներս:

Առաջ էլ նա զառանցանքների մէջ անդադար նրանց անունը տալիս էր։ Ծերուկը աշխատում էր մոռացնել տալ, որ նա չը կրդովի։ Սուտ ասել, յուսադրել նրան,—նա չէր կարողանում։ Եեխաների մասին ինքն էլ ոչինչ չը գիտէր և կարծում էր, որ նրանք արդէն մեռած են։

Տեսնելով, որ իրան չեն պատասխանում, կինը կրկնեց համարեա թէ գոռալով.

—Ո՞րտեղ են երեխաներս:

Ծերուկը կախ գցեց գլուխը, ինչպէս յանցաւոր։  
Նա սկսեց մտածել, որ եթէ ինքը ազատած չը լի-  
նէր Լանտենակին, այդ կինը հիմա այդքան դժ-  
բախտ չէր լինիլ։

— Ալապէս էլ բան կը լինի, մտածեց նա. — ուզեցաւ բարութիւն անել, բայց չարութիւն դուրս է կաւ: Ես նրան խղճացի իսկ նա չի խղճում:

Մուրացկանի սիրտը լցված էր դառնութեամբ:  
Բարի գործը ճնշում էր նրան, ինչպէս յանցանք:  
Գայլին ազատեց, և ոչխարների կորստեան պատ-  
ճառ դարձաւ:

—Այսպէս չի կարելի, ասած լինու,

—Ի՞նչ չի կարելի:

— Զիմանալ թէ ուր են երեխաներս։ Աւելի լաւ  
է մեռնել, քան թէ նրանց մասին տեղեկութիւն  
չունենամ։

—Մի վրդովիր: Տեսդրդ կտւելանալ:

Մարիամը բարկացած հարցրեց. —Ե՞րբ կարող եմ հեռանալ այստեղից:

— Հեռանայ:

— Ի հարկէ հեռանալ։ Միշտ խօ չեմ նստելու  
այստեղ։

—Եթէ զրդովվես, երկար ժամանակ կը մնաս: Իսկ եթէ հանդարտ կենաս, այն ժամանակ շուտով կարող ես հեռանալ:

— Ի՞նչպէս հանդարտ կենամ: Դու չես հասկա-  
նում: Դու որդիք չունիս, իսկ ես ունեմ: Բայց ո՞ր-  
տեղ են նրանք: Ով որ չէ տեսել, նա չէ կարող  
դատել: Դու երբէք զաւակ չես ունեցել:

— Ո՞չ, պատասխանեց մուրացկանը

— Հենց բանն էլ գրանումն է: Ես զաւակներ  
ունեմ: Ինչու համար նրանք ինձ մօտ չեն: Զը գի-  
տեմ, թնջ է պատահել: Ես ոչինչ չը հասկացայ: Ա-  
մուսնուս սպանեցին, ինձ վրա հրացան արձակեցին:  
Եւ որդիքս էլ մօտս չեն: Այս թնջ բան է:

—Մի խօսիր, ասաց ծերուկը:—Կը վնասես  
քեզ. ինչքան շատ վրդովվես, այնքան էլ կը վա-  
տանաս:

Կինը լռեց։ Այնպէս լռեց, որ մի խօսք անգամ չէր կարելի դուրս քաշել նրա բէրանից։ Ամբողջ օրերով նա նստում էր ծառի տակ և տեղից բոլորովին չէր շարժվում։ Երեսի միշտ իր երեխաների մասին էր մտածում։ Ծերուկը սկսեց վախենալ, թէ մի գուցէ խեղճ կինը խելագարվի։ Փորձեց զբաղեցնել նրան։ Ասում էր, որ ուրախութեամբ նրա հետ միասին կը գնար երեխաներին որոնելու, բայց ցաւը



նրանումն է, որ ծեր է, երկար ման գալ չի կարողանում:

Մի անգամ նա բերեց նրա համար թել, ասեղ և մատնոց. ուզեց կար անել տալով՝ զբաղեցնել նրան: Մարիամը սկսեց կար անել. կարկատեց իր հագուստը: Հենց մուրացկանն էլ այդ էր ուզում, որ նա անդադար միենոյն բանի մասին չը մտածի:

Կարելու ժամանակ երեմն մի ինչ որ տխուր բան էր երգում: Նատ կամաց ձայնով անունն էր տալիս. երեխի իր որդոց անունն էր տալիս: Վերջապէս նա մի օր իր համար մի տոպրակ կարեց և շագանակով լցրեց: Առաւտեան Ծերուկը տեսաւ, որ նա պատրաստում է գնալու:

— Ուր, հարցրեց նա:

Մարիամը պատասխանեց:

— Գնում եմ նրանց որոնելու:

Ծերուկը մինչեւ անգամ չփորձեց արգելել նրան:

Մարիամը գնում էր, ուր որ աչքը տեսնում էր: Գնում էր տռանց ցերեկ և գեշեր նայելու. ուտում է, ինչ որ պատահում էր, ողորմութիւն էր խնդրում. Եթէ հաց չէր գտնում, խոտ էր ուտում. քնում էր մերկ գետնի վրա, թուփերի տակ, բաց դաշտում, երեմն էլ անձրեսի տակ: Գնում էր գիւղից գիւղ, տնից տուն: Ամեն տեղ հարց ու փորձ էր անում: Կանգնում էր շէմքերի մօտ: Նրա հագուստը գգգզվել էր: Երեմն նրան թողնում էին, որ ներս մտնի, երեմն էլ հալածում էին: Երբ տներից հալածում էին, նա անտառների միջով էր գնում:

Ճանապարհը նրան անծանօթ էր. մինչեւ ալդ ժամանակ՝ նա իրանց գիւղից հեռու չէր գնացել. գնում էր առանց իրան հաշիւ տալու. չիմանալով թէ ուր է գնում, նա շատ անգամ, ի զուր տեղը, այս ու այն կողմ էր գնում. երբեմն նա պտտում էր համարեա թէ միեւնոյն տեղում, առանց այդ նկատելու: Կամ մեծ ճանապարհով էր գնում, կամ թէ կածաններով: Առաջ պատռոտած կօշիկներով էր, յետոյ երբ կօշիկները բոլորովին պատռավեցան, բոբիկ, վերջապէս արիւնաթաթախ ոտներով էր ման գալիս:

Ասում էին, որ մօտիկ մի տեղում պատերազմում են, բայց նա պատերազմի հետ գործ չունէր. նա կարծես ոչինչ չէր տեսնում, ոզինչ չէր լսում, ոչնչից չէր վախենում. միայն իր երեխաներին էր փնտում: Ամեն մի պատահողին հարցնում էր. — Երեք երեխաներ չէք տեսել:

Զարմացած նայում էին նրա վրա:

— Չէք տեսել երկու փոքրիկ տղայ և մի աղջիկ, աւելացնում էր նա:

Յետոյ էլի աւելացնում էր. — Մեծը չորս ու կէս տարեկան է, փոքրը մի տարեկան ու ութ ամսական: Չէք տեսել:

Դարձեալ նայում էին նրա վրա՝ առանց պատասխանելու: Նա շարունակում էր. — Նրանց խլել են ինձանից: Իսկ նրանք իմս են: Ահա թէ ինչո՞ւ եմ փնտում:

Մարդիկ բացասական կերպով գլուխները շարժում էին և հեռանում:

Բայց մի անգամ, մի գիւղացի կանգ առաւ:  
Սկսեց մտաբերել:  
+Երեք երեխաների մասին ես հարցնում,  
Հարցը նա:

—Այս:

—Երկուսը տղայ է:

—Այս: Մէկ էլ մի աղջիկ:

—Լսել եմ, որ մի զօրաբաժնում երեք երեխայ  
կալ: Հրամանատարը, չը գիտեմ որտեղ, հրամալել  
է վերցնել նրանց: Պէտք է որ նրա մօտ լիինեն  
երեխաները:

—Որտեղ, բացականչեց մայրը:

—Գնա Տուրդ, ասաց գիւղացին:

—Այնտեղ կը գտնեմ երեխաներիս:

—Կարելի է գտնես:

—Ի՞նչպէս է անունը:

—Տուրդ:

—Ի՞նչ բան է Տուրդը:

—Տեղի անուն է,

—Գիւղ է:

—Չը գիտեմ, չեմ եղել այնտեղ:

—Նեռն է:

—Պէտք է որ մօտիկ չը լինի:

—Ո՞ր կողմն է գտնվում:

Գիւղացին ցոյց առւեց ձեռքով, —Տեսնում ես,  
գէսլի այն կողմը գնա, ուր արեգակը մալը է մտնում:  
Կինը իսկոյն ճանապարհ ընկաւ: Գիւղացին  
նրա յետեց կանչեց.

—Բայց զգոյշ կաց. այնտեղ կոիւ կայ:  
Կինը իսկի յետ էլ չը նայեց, և շարունակեց  
իր ճանապարհը:

#### IV

#### ԲԱՆԱԿԱՑՈՒԹԻՒՆ

Տուրդը՝ բերդ էր: Նա նման էր բոլորակ բուր-  
գի և շինված էր ժայռի վրա: Բերդը ժայռի նման  
ամուր էր: Լանտենակը իր մարդկանցով փակվել էր  
այնտեղ: Գօվէնը պաշարել էր բերդը: Լանտենակի  
մարդկանցից քիչ էր մնացել, որովհետև գիւղի ա-  
ւերումից յետոյ՝ նա ստիպված էր էլի մի քանի  
կոիւներ մղել: Գօվէնը անհամեմատ ուժեղ էր, մա-  
նաւանդ որ նրանից ոչ հեռաւ գտնվում էր Սիմուր-  
դէնի ամբողջ գունդը:

Մի անգամ, երեկոյեան, երբ դեռ նոր էին  
գուրս եկել աստղերը և անտառում տիրում էր  
խորին լուսութիւն, —ոչ մի տերև, ոչ մի խոտ չէր  
շարժվում, —աշտարակից լսվեց պատերազմական փո-  
ղի զիւ ձայնը: Ներքեւից նոյն կերպով պատասխա-  
նեցին:

Այդ ձայնի վրա՝ բանակի մարդէկ իրար ան-  
ցան՝ ինչպէս մրջիւնները մրջնանցում:

Փողը հնչեց երկրորդ անգամ. նրան պատաս-  
խանեցին ներքեւից:

Այդ՝ բերդը և բանակն էին միմեանց հետ

բանակցում։ Բերդը հարցրեց. — Համաձայն էք լսել մեզ։

Բանակը պատասխանեց. — Համաձայն ենք։  
Մի քանի ըոպէով հաշտութիւն կայացաւ։  
Փող-փչողը բարձրաձայն և պարզ կերպով սկսեց իր ճառը.

Լսեցէք։ Ես խօսում եմ մարկիզ Լանտենակի կողմից, կրկնում եմ նրա խօսքերը։ Զեր կոիւը մեզ հետ անարդար է։ Մենք այստեղ ապրում էինք խաղաղ կերպով և ոչ ոքի վատութիւն չենք արել։ Դուք ձեր մէջ նոր կարգեր էք սահմանել և եկել մեզ դէմ, որ զօռով ստիպէք մեզ ապրել ձեզ նման։ Դուք սկսել էք ալրել մեր տները, սպանել մեր կանանց և որդոց։ Դուք մեր դէմ անտառներում թակարդներ լարեցիք. իսկ հիմա էլ պաշարել էք մեզ այստեղ։ Դուք շատ էք, մենք քիչ։ Դուք ամբողջ գունդ էք կազմում, իսկ մենք ընդամենը տասն և իննը հոգի ենք այստեղ։ Մի մեծ քաջագործութիւն չէ, եթէ մեզ լաղթէք, բայց մենք հաշտութեամբ անձնատուր չենք լինի։ Մարկիզ Լանտենակը հրամայում է ասել ձեզ. — Մեզ մօտ այստեղ երեք երեխաներ կան. մերոնք դրանց լափշտակել են այն գիւղում, ուր մենք ջարդեցինք ձեր վաշտը։ Կամենում էք թողնել մեզ ամենքիս՝ տասն և ինն հոգուս, որ ազատ, անվնաս անցնենք ձեր մօտով։ Այդ դէպքում այն երեխաներին ձեզ կը լանձնենք, իբրև փրկանք մեզ համար։ Եթէ մերժէք, մենք բերդը կը լուսկ կը տանք։ Երեխաներն էլ

մեզ հետ կը ոչնչանան։ Այն ժամանակ նրանց մեղքը ձեր վզին։ Այդպէս էլ իմացած եղէք։ Եթէ մեզ կը թողնէք հեռանալ, նրանք կազատվեն. իսկ եթէ ոչ նրանք կը մեռնեն։ Վճռեցէք։

Բերդից խօսողը լռեց։ Ներքեից պատասխանեցին. — Ամենքին՝ առանց մի որ է արգելքի բաց կը թողնենք, բացի Լանտենակից։ Նա պէտք է մեռնի։

Բերդից պատասխանեցին. — Մեր պալմանները չենք փոխիլ։ Երեք երախաներին տալիս ենք իբրև փրկանք ամենիս համար, առաջինից մինչև վերջինը։

Սիմուրդէնը ինքը պատասխանեց, կարճ և խիստ կերպով. — Մենք համաձայն չենք։

Գօվէնը մի քիչ մեղմ կերպով աւելացրեց. — Քսան և չորս ժամ ժամանակ ենք տալիս։ Խորհեցէք։

V

ՀԵՏԱԽՈՂԻ ԶՈՒԹԻՒՆ

Մարիամը անդադար առաջ էր գնում դէպի ախտեղ, որ նրան ցոյց էին տուել։ Մի անգամ նա անցնում էր մի գիւղով։ Այդտեղ մարդիկ հաւաքվել էին պատին կացրած մի ինչ որ թղթի մօտ։ Մէկը կարդում էր, միւսները լսում էին.

«...Մահուան պատժի կենթարկվի նա, ով որ կը համարձակվի ուտելեղէն կամ թէ մի որ և է օգնութիւն հասցնել վերև լիշված տասն և իննը

ապստամբներին, որոնք թագնված են Տուրքում...»  
—Տուրքում, հարցրեց Մարիամը:

Հէնց որ նրա ականջին հասաւ այդ անունը,  
նա մոռացաւ ամեն բան, և այլ ևս ոչ մի խօսքի  
վրա ուշադրութիւն չէր դարձնում: Նրա վրա կաս-  
կածանքով նալեցին:

—Տուրքում, կրկնեց նա:

Մի կին՝ հաճարից թխած հացով լի զամբիւ-  
ղը ձեռին, մօտեցաւ նրան և շշնչաց. —Լոիր:

Մարիամը լռեց, չը հասկանալով՝ թէ ինչու  
պէտք է լռել: Միթէ չք կարելի հարցնել: Նա գնաց  
կանգնեց մի ուրիշ տեղ և կրկն սկսեց լսել:

Խօսում էին միևնույն թղթի մասին:

Մէկը ասում էր. —Կարծում են, որ եթէ նրանց  
բռնեն, ամեն բան կը վերջանայ: Կարծես թէ բռ-  
լորը տասն և իննը հոգի են:

Միւսը աւելացրեց. —Լաւ հաշիւ է: Դրանց  
կը բռնեն, ուրիշները դուրս կը գան:

Ի՞նչ լիմար էք, ասաց մի ծեր դիւղացի. —  
Կարծում էք շուտ կը գտնվի մի ուրիշ Լանտենակ:  
Նրանց գլխաւոր ցաւը Լանտենակն է. Նրան են ու-  
զում բռնել. իսկ նա հիմա նրանց ձեռքումն է:

—Դեռ ոչ բոլորովին, անվստահ կերպով ասաց  
մի ջահէլ դիւղացի:

Ծերունին շարունակեց. —Լանտենակը բոլորի  
հոգին է: Առանց նրան՝ մնացածները ոչինչ:

Մէկը հարցրեց. —Խսկ բնչով է աւելի Լանտենակը:  
Նրան պատասխանեցին. —Նա ոչ ոքի չէր խնա-

յում: Մինչև անգամ կանանց վրա էլ է հրացան  
արձակում:

Մարիամը աւաց. —Այդ ուղիղ է:

Այդ խօսքերը լսելով ամենքն էլ նալեցին  
նրա վրա: Մարիամը աւելացրեց.

—Նա հրամայեց ինձ վրա հրացան արձակել:

Նրա տեսքը զարհուրելի էր. ցնցոտիներ հա-  
գած, մազերը զգգազ, դէմքը վալրենի:

—Իսկ և իսկ աւազակ է, մրթմրթաց մի գիւղացի:

—Լրտեսներու ըլ լինի եկած, ենթագրեց միւսը:

—Լոիր, հեռացիր, կրկն ասաց հաց ծախող  
գեղջկուհին, մօտենալով նրան:

Մարիամը պատասխանեց. —Ես ոչ մի վատ բան  
չեմ անում. ես իմ երեխաներիս եմ որոնում:

Գեղջկուհին նայեց բոլորին, մատը դրեց ճա-  
կատի վրա և ասաց. —Խելքը տեղը չի:

Ցետոյ մի հաց տուեց նրան և ասաց. —Կեր:

Մարիամը վերցրեց՝ առանց շնորհակալութիւն  
անելու, և սկսեց ագահութեամբ կծոտել:

—Սրա խելքը տեղը չի, վճռեցին գիւղացիք.  
Կարծես գազան լինի որսը պատուսում:

Մէկը միւսի լետկից նրանք ցըվեցին. մնաց  
միայն հաց ծախող կինը: Հացն ուտելուց լետոյ Մա-  
րիամը հարցրեց նրան. —Կարող ես ասել թէ որ-  
տեղ է գտնվում Տուրքը:

—Թող այդ Տուրքը, ալ անբախտ: Բաւական է:

—Ես պէտք է Տուրք գնամ: Ի՞նչպէս գնամ:

—Ի՞նչ ես կրկնում Տուրք, հա Տուրք: Խելք

գնացելէ, ինչ է, այդ Տուրքի համար: Ինչու ես գնում  
այնտեղ... Աւելի լաւ է գաս ինձ մօտ և հանդըս-  
տանաս: Անշուշտ յոդնած կը լինես:

— Ես ժամանակ չունեմ հանգստանալու, ա-  
սաց Մարիամը:

— Նայիր տես ոտներդ ինչ օր են ընկել, ցոյց  
տուեց գեղջկուհին:

Մարիամը սկսեց պատմել.

— Երեխաներիս գողացել են: Մի աղջիկ և եր-  
կու տղայ: Հիմա ես անտառից եմ գալիս. ինձ բժիշ-  
կեց Ծերուկը, մուրացկանը: Իմ ոսկորներից մէկին  
գնդակ էր դիպել: Կարող ես նրանից հարցնել: Այս  
ամենը եղած բան է: Ես ինձանից չեմ հնարում:  
Երեք երեխաներ եմ ունեցել: Ես այդ կարող եմ  
ապացուցանել: Փոքրը աղջիկ է. անունն է ծօրթե-  
տա: Ամուսնուս սպանել են: Նա ոչ մի վատ բան  
չէր արել: Ցոյց տուեցէք ինձ ճանապարհը: Ես խե-  
լագար չեմ. ես մալր եմ, երեխաներիս եմ փնտրում:  
Ահա ամենը: Տուրք եմ գնում: Ճանապարհը չեմ  
ճանաչում: Այսօր մի դատարկ տմբարի մէջ եմ գի-  
շերել: Ես լրտես չեմ: Ես ճշմարիտ եմ ասում: Եւ  
ինչ կայ ինձ չօգնելու, երբ ես երեխաներիս եմ ո-  
րոնում: Ես ալստեղացի չեմ: Իսկ ինձ վրա հրացան  
արձակեցին, չը գիտեմ ինչու:

Հայ ծախող կինը շարժեց գլուխը և ասաց.—  
Լսիր, սիրելիս: Հիմա վտանգաւոր ժամանակ է: Հար-  
կաւոր չի ալդպիսի անմիտ բաներ խօսել: Կը կար-

ծեն, թէ խորամանկութիւն ես անում, լրտես ես:  
Կը ձերբակալեն քեզ:

— Ինձ միայն Տուրքի ճանապարհը ցոյց տուէք:  
Իինչպէս գնամ այնտեղ: Ի սէր Աստուծոյ, ասացէք:

Հայ ծախող կինը բարկացաւ.

— Քեզ բան հասկանցնել չի լինիլ: Զը գիտեմ՝  
որտեղ է Տուրքը: Գիտենամ էլ, չեմ ասիլ:

— Բայց ես էլի կը գնամ այնտեղ, ասաց Մա-  
րիամը և հեռացաւ:

Բարեսիրտ գեղջկուհին նայեց նրա ետևից և  
ասաց.— Մէկն էլ տամ ճանապարհի համար...

Վագելով հասաւ նրան, էլի մի հաց տուեց և  
ասաց.— Յետոյ կը քաղցածանաս, կուտես:

Մարիամը լուռ վեր առաւ հացը: Քիչ յետոյ  
գիւղի ծայրին նրան պատահեցին երկու աղջիկ. հա-  
ցը տուեց նրանց:

Նրա առաջ կար մի անտառ: Նա գնաց ան-  
տառով: Միենոյն չէ, թէ որտեղով գնայ, քանի որ  
ոչ ոք չէ կամենում ցոյց տալ ճանապարհը: Նա եր-  
կար ժամանակ գնում էր: Առաջ կածանով էր գը-  
նում, յետոյ կածանը կորցրեց. ծառերի ճիւղերը չէին  
թողնում, որ նա առաջ գնայ, բայց նա էլի  
գնում էր: Ուրբ: Ա՛խ, եթէ այնտեղ լինէր գնում,  
ուր հարկաւոր էր: Սկսեց կանչել. ոչ ոք չը պա-  
տասխանեց: Իր առջև մի վտակ տեսնելով, չոքեց  
և ջուր խմեց: Յետոյ սկսեց աղօթել:

Շուտով վերջացաւ անտառը, որի ետևը կար  
մի շատ նեղ ձոր, իսկ մի քիչ գէնը — մի տափարակ

և լայն բլրակ՝ ծածկված մանր թփերով։ Նա տեսնում էր իր առաջ ահագին տարածութիւն, և այդ ամբողջ տարածութեան վրա չէր երևում՝ ոչ մարդ, ոչ էլ բնակութիւն։

Այդ ամայութիւնը տեսնելով, խեղճ կինը լուսահատվեց։ Ոտները ծալվում էին։ Նա սկսեց խելագարվածի նման կանչել. — Ոչ ոք չը կայ այստեղ։

Եւ կարծես իբրև պատասխան նրա հարցին, ոչ շատ հեռու մի տեղից՝ որոտմունքի նման մի ձայն լսվեց։ Դա որոտմունք չէր, այլ հրացանի կամ թնդանօթի ձայն։

Դժբախտ կինը սեղիցը վեր թռաւ, կենդանացաւ. — Կարելի է այնտեղ են…

Նա սկսեց բարձրանալ բլրակի գլուխը։ Մի քանի ըոպէից լետով նա իր առաջ, ժայռի վրա տեսաւ մի բերդ, իսկ բերդի լետեւ՝ թանձր, մթին անտառ։

Մարիամը գնաց դէպի այդ բերդը։ Մութը կոխում էր գետինը։

Այդ ժամանակ լրացաւ այն պայմանաժամը, որ նշանակել էին Լանտենակի թշնամիները։

## VI

### ՅԱՐՁԱԿՈՒՄ

Պայմանաժամը լրացած՝ Գօվէնը առաջ տարաւ իր զօրքը, որ լարձակմամբ վերցնի Տուրդը։ Պատի ներքեւ մտսը արդէն սաստիկ կերպով վնասվել էր

գնդակներից, սակայն բերդի մարդիկը չը լուսահատվեցին. բարձրացան երկրորդ լարկը և այնտեղից կատաղի կերպով հրացանաձգում էին։ Զինուորները գնդակահար էին լինում և միմեանց ետևից ընկնում։

Այդ ժամանակ ունտեր-օֆիցեր Ռադուբը մտածեց մի շատ գժուար գործ կատարել. երկու ատրճանակ գօտին խրած՝ նա դրսի պատով մագլցեց մինչև երրորդ լարկը։ Կատուի ճարպիկութիւն էր հարկաւոր դրա համար։ Ռադուբը ունէր այդ ճարպիկութիւնը։ Նա բարձրացաւ հէնց դէպի այն սենեակը, ուր զետեղված էին զէնքերը։ Լուսնեակի լոյսը օգնեց նրան տնտղել հրացանները և ատրճանակները։

Մինչև այդ ժամանակ պաշարվածների վրա հրացան էին արձակում միայն ներքեւից. այժմ նըրանց վրա գնդակներ էին տեղում և վերևից, երրորդ լարկից։ Միաժամանակ երկու հոգի ընկան մեռած. մնացածները շտապեցին թագնվել սենեակներից մէկում։ Ոչ ոքի մտքովն անդամ չէր անցնում, որ վերև միայն մի մարդ կալ։

— Ճար չը կալ, պէտք է մեռնել, ասաց մարկիզը։

— Միայն թշնամիներին սպանելով, աւելացըց նրա ընկերներից մէկը։

Բայց այդ ըոպէին մի անսպասելի բան պատահեց։ Սենեակի անկիւններից մէկում՝ բարձրացաւ մի սալ քար, և այդտեղից, գաղտնի դռան տակից, որը առաջ ոչ ոք չէր նկատել, երևաց մի մարդու գլուխ։ Դա մարկիզի հաւատարիմ մարդկանցից մէկն էր։

— Ի՞նչպէս եկար ալստեղ, հարցրեց մարկիզը:  
— Բացատրելու ժամանակ չը կայ: Փախէք: Այս  
անցքով գնացէք, և տասը ըոպէից յետոյ՝ կը հասնէք  
անտառը:

— Եատ լաւ: Ամենքդ դուրս եկէք... Իսկ ես  
ամենից յետոյ... ասաց Լանտենակը:

— Առաջ պէտք է կրակ գցենք, պէտք է մեր  
ասածը կատարենք, որ լաւ ճանաչեն մեզ, նկատեց  
մէկը:

— Եսուտ, մարկիզ, շտապեցրին միւսները:

Մէկը միւսի ետևից նրանք սկսեցին իշնել նեղ  
սանդուղքով: Լանտենակը ածուխով սպիտակ պատի  
վրա՝ խոշոր տառերով գրեց մի քանի խօսք և վա-  
ռեց պատրութը: Կրակը արագութետմբ տարածվեց  
ամեն կողմ...

Այդ միջոցին թշնամին շուշրած էր: Գու-  
վէնը չէր տեսել, թէ ինչպէս Ռադուը վերև բարձ-  
րացաւ, և այնտեղից անսպասելի կերպով երևացած  
օգնութիւնը՝ զարմացրեց նրան: Նա կամեցաւ իմա-  
նալ թէ բանը ինչումն է և առ ժամանակ դադա-  
րեցրեց յարձակումը: Յետոյ հրամալեց իր զինուղնե-  
րին, որ սանդուխքով վերև բարձրանան. ասաց  
որ զգոյշ լինեն և նկատի ունենան, որ դռներից  
մէկի ետև թշնամին կարող է դարան մտած լինել.  
ապա թէ ոչ կրկին կը սկսվի հրացանաձգութիւն  
և մարդկանց կոտորածը:

Իսկ Ռադուը մնաց վերև, և չէր հասկանում,  
թէ իոչու ամեն բան հանդարտվեց. նա սպասում էր,

մինչեւ որ իր օգնութիւնը կրկին հարկաւոր կը լինի:  
Քառորդ ժամ անցաւ, մինչեւ որ գործը պարզ-  
վեց: Զինուղները հրացանների կոթով կոտրեցին  
դուռը, որի յետևը թագ էին կացած «սպիտակնե-  
րը», և այնտեղ, դատարկ սենեակում, տեսան բաց,  
գաղտնի անցքը: Գօվէնը կարդաց ածուխով գրած  
խօսքերը.—«Ճտեսութիւն, քրոջ որդի»: Ստորագլը-  
ված էր՝ «Լանտենակ»:

Յետևից ընկնելը միտք չունէր: Պարզ էր, որ  
այդ անցքը պէտք է տանի դէպի անտառը. իսկ  
փախստականին վնտրել անտառի մէջ՝ նոլնքան ծի-  
ծաղելի կը լինէր, որքան այնտեղ ասել վնտրելը:  
Գօվէնը և Սիմուրդէնը ամենից կարևոր համարում  
էին Լանտենակին բռնելը. բայց ինչպէս իմանալ՝  
թէ նա երբ է փախել: Նրանք կարծում էին, թէ  
նրա հետքն անգամ արգէն կորած կը լինի... Ու-  
րեմն բերդի վերցնելը ոչ մի հետևանքի չը հաս-  
ցրեց... Սակայն Լանտենակը այնքան էլ հեռու չէր  
գտնվում, որքան կարծում էին: Հասնելով անտա-  
ռը, նա իսկոյն արձակեց իր բոլոր մարդկանց, որո-  
շելով՝ թէ ուր և երբ պէտք է կրկին հաւաքվել:  
Ամենքը գիւղացու հասարակ հագուստով էին, ինչ-  
պէս և ինքը Լանտենակը: Ցրվել անտառի զանա-  
գան կողմերում և ազատվել ջոկ-ջոկ—դժուար բան  
չէր:

Մարկիզը կանգ առաւ: Նա ուրախ էր, որ ին-  
քը ազատ է: Մի փոքը առաջ նա գնում էր դէպի  
մահուան դուռը: Մահից, ի հարկէ, չէր վախենում,

բայց էլի աւելի լաւ էր համարում կենդանի մնալ: Նայեց ժամացոյցին. ժամի տասն էր: Այդ նրան զարմացրեց: Դեռ տասն է: Յարձակումն սկսվեց ութին: Միթէ այն ժամանակից ի վեր այդքան քիչ ժամանակ է անցել: Հարիւր և քսան ըոպէ: Եւ որքան տանջանք կրեց այդքան կարճ ժամանակում... Նա ժամացոյցը դրեց իր տեղը և փոխելով ճանապարհը, կամեցաւ հեռանալ:

Նրջակալքը սկսեց լուսաւորվել հրդեհի կարմիր լոյսով: Բերդը ալրգում էր: Կրակը Լափում էր ամեն բան. պատրոյգի ծայրը առաջուց անց էին կացրել դէպի դիւրավառ իրեղէնները, ձիւթի տակառները և դէպի յարդի ու չոր խոտի ահագին կոյտերը: Լանտենակը միտը բերեց երեխաններին, որոնք փակված էին երկրորդ յարկում, գրքերի սենեակում: Այդ սենեակի երկաթէ ծանր դռան բանալին իր գրանումն էր: Նա ձեռքը տարաւ, և մի առանձին բաւականութեամբ շօշափեց բանալին: Երեխանները կալրգեն: Եւ շատ էլ լաւ կը լինի: Զէ որ նա առաջարկեց՝ ազատել նրանց: Մեղաւորը նա է, ով չը համաձայնվեց: Թո՞ղ իմանան, որ ինքը իր խօսքը կատարող մարդ է: Ասաց, որ երեխանները կը ոչնչանան և թող ոչնչանան: Մեղքը նրա շլնքին, ով որ չուզեց իրան ազատ թողնել:

Երեք անմեղ երեխաններ, երեք զոհէր: Իսկ ինքը ազատ:

Յանկարծ լսվեց մի լուսահատ, աղիողորմ ազագակ, կամ աւելի լաւ է ասել մի գոռոց, որը

տարածվելով ամեն կողմ' մարդու սիրտ էր կտրատում: Այդ մօր ձայնն էր, որ կանչում էր իր երեխաններին:

Մարիամը մօտեցաւ բերդին և բարձրացաւ նրա դէմ շինած պատնէշը հենց այն ըոպէին, երբ հրեղէն լեզունները բաղեղի չորս ճիւղերով բարձրանալով ներքին յարկից վերինը, միախառուն կերպ բարձրացաւ միանգամից լուսաւորեցին ամեն ինչ՝ մօտակալ թանձր անտառի ծառերի գագաթները, բերդի ներսը և նրա տռաջ կանգնած բանակը:

Միջին յարկի լուսամուտներից մէկում երեցան երեք երեխանների գլուխներ: Մարիամը աղազակում էր լուսահատ ձայնով: Լանտենակը լսեց և կանգ տռաւ: Նա չէր տեսնում կնոջը, բայց նրա դառն, աղէկտուր աղազակները նրա սրտի խորքն էին թափանցում:

— Օգնեցէք, աղազակում էր խեղճ կինը: — Ազատեցէք: Դրանք իմ երեխաններն են: Նրանք ալրգում են: Ով մարդիկ, օգնեցէք: Այդպէս չի կարելի թողնել: Ի՞նչու են իմ երեխաններս ախտեղ: Ես կը խելագարվեմ: Օգնեցէք, ես նրանց մայրն եմ: Ես օր ու գիշեր ճանապարհ եմ եղել: Նրանք կալրգեն: Փրկեցէք: Շունը որ շուն է, նրան էլ պէտք է խղճալ: Դրանք իմ երեխաններն են: Ես փնտրում էի նրանց: Տէր Աստուած, այս ի՞նչ է: Ինձ վրա հրացան արձակեցին, հիմա էլ երեխաններիս են այրում: Իսկ ես որոնում էի: Կարճում էի թէ չեմ հասնիլ: Ոտներս արիւնաթաթախ են: Ահա եկայ:

Գտայ նրանց: Իսկ նրանք աչքերիս առաջին այրվում են: Օգնեցէք: Ազատեցէք: Կամ թէ ինձ էլ սպանեցէք, որ չը տեսնեմ նրանց մահը:

Այս ինչ խեղճ կինը համարեա թէ խելագարվում էր սարսափից, պատնէշի վրա և խրամատում բազմաթիւ զինուորների ձախներ էին լսվում.

— Սանդուղք դիր:

— Սանդուղք չը կալ:

— Պէտք է որ լինի:

— Պէտք է որ լինի, բայց չը կալ:

— Զուր տուէք այստեղ, զուր:

— Զուր չը կալ:

— Ուրեմն դռնով պէտք է մտնել:

— Դուռը երկաթի է:

— Պէտք է կոտրել:

Իսկ թշուառ կինը շարունակում էր աղաղակել.

— Նուտ: Նրանք կալրվեն: Ի՞մ սիրելի որդիքս:

Միթէ նրանց չեն ազատիլ: Ինձ էլ նրանց հետ սպանեցէք: Ինձ էլ կրակի մէջ գցեցէք:

Մարկիզը կըկին շօշափեց իր գրպանի բանալին: Յետոյ, իսկոյն կռանալով, անյալտացաւ նոյն գաղտնի անցքում, որից դեռ նոր էր դուրս եկել:

## VII

### ՔԱԶԱԿՈՐԾՈՒԹԻՒՆ

Քսան զինուոր չարչարվում էին, որ կոտրեն երկաթէ դուռը: Գովէնը կարգադրութիւններ էր

անում: Նիգերով չը կարողացան կոտրել դուռը: Փորձեցին դռան տակով երկաթէ ձողեր անցկացնել, ձողերն էլ կոտրտվեցին...

— Լուցկու նման կոտրտվեցին, առաջ մի զինուոր:

Գովէնը յօնքերը կիտելով նկատեց: — Այս դուռը միայն թնդանօթով կարելի է կոտրել...

— Այն էլ ոչ միանգամծից, վրա բերեց զինուորը:

Անտանելի դրութիւն էր. ամենքի ձեռքերը թուլացան: Լուռ, խորին կարեկցութետմբ կանգնած էին բոլորեքեանք: Ստիպվեցան լետ քաշվել: Անդադար տարածվող հրդեհը լափում էր չորս կողմը: Ներքին և վերին յարկը բոլորովին արգէն կրակ էին ընկել: Կարծում էին, թէ ահա մի ըոսէ ևս, առաստաղը և յատակը կը քանդվեն: Երեխաներին փրկելու յոյսը չը մնաց:

Գովէնը պատահմամբ նայեց գաղտնի անցքի բաց դռան և ասաց.

— Լանտենակը նրանց սպանեց, իսկ իրան ազատեց: Հեռ տցաւ...

— Էլի լետ դարձաւ, ասաց մի ձայն:

Քրոջ որդին իր տոջեւ տեսաւ իր մօրեղբօր ալևոր գլուխը:

Զինուորները լետ քաշվեցին: Մարկիզը, մի մեծ բանալի ձեռքին, սենեակով անցաւ՝ ուղղակի դէպի երկաթէ դուռը: Դուռը բացվեց: Սենեակից դուրս խփեցին ծխախտոն կրակի լեզուները: Մարկիզը կանգնաւ. նա անհետացաւ ծխի մէջ: Նոյն ըոսէին յատակի մի մասը քանդվեց նրա ետևից: Սպանվեց

նա՝ թէ ոչ, — սրոշել անկարելի էր: Դօվինը և իր մարդիկ հազիւ կարողացան ազատվել. նրանք այլ ևս ոչ մի օգնութիւն չէին կարող անել:

Երեխաների մայրը շարունակում էր հեկեկալ լուսահատված: Երեխաները կանգնած էին միջին լուսամուտում, որին կը առ չեռ չէր հասել: Զը հասկանալով որ իրանց վտանգ է սպառնու, նրանք սկզբում բոլորովին չէին վախենում: Սենեակի պահծառ լոյսը և լուսամուտի տակի աղմուկը զուարձացնում էին նրանց: Մայրը կանչում էր. նրանց անուններն էր տալիս. մեծը ճանաչեց նրա ձայնը և կանչեց. — Մայրիկ:

Միւս երկուսը սկսեցին կը կնել նրա յետելից. — Մայրիկ, մայրիկ:

Մարիամը պատնէշի վրայից արդէն իջել էր և կանգնած էր զինուորների մէջ. աղաչում էր օգնել: Բայց ինչ կարող էին անել զինուորները:

Բագութը փորձեց կը կին բարձրանալ պատով: Բայց պատը բոլորովին հարթ էր. ոչ մի տեղից չէր կարելի բռնել, և նա դեռ չը բարձրացած, ներքեւ գլորվեց: Երեխաների մայրը ընկաւ ծնկների վրա, աղաղակելով. — Ազատեցէք: Բայց ինչ կարելի էր անել: Բերդի ներսը ալրվում էր և փլվում: Այն սենեակում, ուր գտնվում էին երեխաները, գրքերի ահազին պահարանները այրվում էին, ինչպէս վայտը վառարանի մէջ: Երեխաները զարհուրած կանչում էին. — Մայրիկ, մայրիկ:

Յանկարծ լուսամուտներից մէկում երեաց մի

բարձրստուել: Ամենքն աչքերն յառեցին նրա վրա. Միքանիսը ճանաչեցին, որ դա մարկիզ Լանտենակն է:

Նա անհետացաւ, յետոյ իսկոյն, կրկին երեւաց և սկսեց լուսամուտից ցածացնել մի երկար, ծալովի սանդուղք: Դա պահվում էր այդ սենեակում, որ վտանգ պատահած ժամանակ՝ գործ դնեն: Ներքեւում զինուորները բռնեցին սանդուղքի միւս ծալուը և ամրացրին գետնի վրա: Բագութը ամենքի առաջ ընկած և յետելիցն էլ մի քանի տասնեակ մարդիկ բարձրացան սանդուղքով և կանգնեցին սանդուղքի աստիճանների վրա: Մարկիզը վերցրեց առաջին պատահած երեխային և տուեց Բագութին: Այդ միջակ երեխան էր: Նա բղաւեց որքան ոյժումը կար. — Վայ, վախենոոնմ եմ: Զեռքից ձեռք տալով, զինուորները նրան վայր բերեցին:

Մեծն աւելի շատ վախեցաւ և չէր կամենում, որ Լանտենակը իրան վերցնէ. նա մինչեւ անգամ խփեց Բագութին, երբ մարկիզը տուեց նրան: Մնացել էր ամենից փոքրը, ֆօրմետան: Մըրակիզը վերցրեց նրան. մանուկը ժպտում էր նրա երեսին: Այդ երկաթէ մարդու տչքերից գլորվեցան արտասուրքի կաթիները: Նա հարցրեց. Ի՞նչ է քո անունը:

— Օրժետա, թոթովեց մանուկը:

Մարկիզը համբուրեց նրան և տուեց Բագութին: Մայրը կանգնած էր ներքեւ սանդուղքի մօտ, և չէր հաւատում իր աչքերին: Առաջ նա խելքը կորցրել էր վշտից, հիմա էլ՝ ուրախութիւնից: Պինդ գրկելով իր երեխաներին, համբուրների կարկուտ

թափելով նրանց դէմքերին, նա լաց եղաւ, բարձրածայն ծիծաղեց, լետոյ ուժաթափվեց:

— Ամենքը ազատված են, գոչեցին զինուորները:  
Ամենքը, բացի Լանտենակից: Բայց նրա համար ոչ ոք չէր հոգում:

Նա՝ մտածմունքի մէջ ընկած՝ կանգնեց լուսամուտի մօտ, կարծես ինքն էլ չէր իմանում, թէ ինչ անի: Եթոյ կամաց կամաց գուրս եկաւ լուսամուտից և սկսեց ցած գնալ սանդուղքով՝ հպարտ և հանդարտ կերպով: Զինուորները նրա վրա նայում էին զարմացած, համարեա թէ երկիւղով և չէին հաւատում իրանց աչքերին: Երբ նա արդեն իցել էր, Սիմուրդէնը ինքը մօտեցաւ նրան, ձեռքը դրեց նրա ուսին և սաց.— Դու բռնուած ես:

— Գիտեմ, պատասխանեց Լանտենակը:  
Զինուորները տարան բանտարկեցին նրան:

### VIII

#### Խ Հ Ծ Մ Տ Ա Ն Ք

— Վաղը մենք զինուորական դատարանով կը դատենք նրան, ասաց Սիմուրդէնը, մօտենալով Գօվէնին: Բայց դու չես մասնակցիլ: Դու նրան արիւնակից ես. նրան պատժելը քո գործը չէ: Երկար չի քաշիլ. վաղը կը լինի դատավճիւը, միւս օրը՝ գըլ-խատումը: Հիմա կարելի է ասել, որ ապստամբութիւնը ճնշված է:

Գօվէնը ոչինչ չը պատասխանեց և գնաց իր վրանը: Նա այլ ևս չէր հետաքրքրվում հրդեհով.

զինուորները մենակ հանգցրին: Ռազուբը փայփայում էր երեխաներին: Սիմուրդէնը միւս օրվայ համար մի քանի կարգադրութիւններ արեց: Բանակում սկսեց տիրել հանգստութիւն:

Գօվէնը ընկաւ զանազան մտածմունքների մէջ: Նրա առջև հէնց այդ ժամին կատարվեց մի անսպասելի անցք, և նա չէր իմանում՝ ինչպէս վարվի: Մինչև այդ ժամանակ նա բոլորովին չէր տատանվում: Նա իր առջև տեսնում էր պատերազմ: Մի կողմը, իրանցը, նա արդար, էր համարում, միւսը— անարդար: Մի կողմում նրա բարեկամներն էին, միւս կողմում— թշնամիները: Բարեկամներին նա բարեկ էր ցանկանում, թշնամիներին— չարիք: Մի բոլորովին պարզ և հասկանալի բան: Ի՞նչ կալ այդտեղ տատանվելու... Հիմա գլխաւոր թշնամիներից մէկը ընկել է իրանց ձեռքը. պէտք էր ուրախանալ դրանով: Բայց Գօվէնը չը կարողացաւ ուրախանալ: Ինչու: Որովհետեւ թշնամու վարմունքը սաստիկ ազգեց նրա վրա:

Երեք փոքրիկ, անմեղ երեխաներ ոչնչանում էին: Պատերազմը այդպիսիներին չի ջոկում: Արիւնածարաւ, եղբայրասպան պատերազմ կլանում է ամենը, ինչ որ պատահում է իր ճանապարհին: Պատերազմի ճանապարհին պատահեցին երեխաներ: Աչքնացնել նրանց՝ պատերազմի համար ոչինչ բան է: Մարկիզ Լանտենակը իր դէմ ունէր մի ամբողջ գունդ. այդ գունդը հետամուտ էր լինում նրան, ինչպէս գաղանի: Հետքը գտնելով, թակարդ լարեց:

Նա համարեա թէ հրաշքով ազատվեց, փախաւ անտառը: Անտառում նա ազատ էր: Առիւծը փախաւ վանդակից: Հեռացաւ: Եւ յանկարծ ինքը, իր կամքով, լեռ դարձաւ: Ուղղակի անձնատուր եղաւ թշնամուն: Ինչու: Միայն նրա համար, որ ազատի երեք փոքրիկ երեխաներին: Այդ երեխաները նրան ազգական չեին. ոչ: Բոլորովին օտար: Նա խղճաց նրան: Նա թողեց անտառը և ազատութիւնը, մտաւ հրդեհի մէջ, ազատեց նրանց, իսկ իրան զոհեց: Իր կեանքը զոհեց նրանց համար: Իսկ հիմա նրան մահ է սպասում: Արդարութիւն է այս... Արդարութիւն էր, որ մարդը պատժվի վսեմ, բարի, ազնիւ գործի համար:

Գօվէնը չէր կարողանում հաշտվել այդ մտքի հետ, որ Լանտենակը կը պատժվի հէնց այն ժամանակ, երբ պէտք է նրա առաջ խոնարհվել: Ազատել նրան. ազատել թշնամուն... Բայց այն ժամանակ ապստամբութիւնը էլի կը նորոգվի...

Գօվէնը մտաբերեց բոլորը, ինչ որ պատահել էր: Նա չը գիտէր, թէ ինչպէս վարվի, ինչ անի...

## XI

### Դ Ա Ց Ա Ս Ա Ն

Միւս օրը առաւօտեան կազմվեց զինուորական դատարանը: Պատաւորները երեք հոգի էին: Սիմուրդէնը, որ նախագահում էր, մի կապիտան, և ունտեր-օֆիցիր Ռադուբը: Կապիտանը նստած էր Սիմուրդէնի աջ կողքին, իսկ Ռադուբը—ձախ: Մնա-

ցած օֆիցիեները և բոլոր զինուորները ներկայ էին: Երկու պահապանի հրամայված էր բերել կալանաւորին: Նրանք գնացին և մի բոպէից յետոյ վերադարձան. նրանց հետ եղողը Գօվէնն էր: Սիմուրդէնը շուարած տսաց.

— Ես ուղարկել եմ կալանաւորի յետևից:

— Կալանաւորը՝ ես եմ, ասաց Գօվէնը:

— Դու:

— Ես:

— Իսկ որտեղ է Լանտենակը:

— Ազատ է:

— Ի՞նչպէս թէ ազատ է:

— Ազատ է:

— Նա փախել է:

— Փախել է:

Սիմուրդէնը քաշ զցեց գլուխը: Յետոյ կրկին բարձրացնելով, խոժոռած դէմքով հարցըց: Նրան օգնել են:

— Այն, ասաց Գօվէնը:

— Ո՞վ է օգնել:

— Ես:

— Խելագարվել ես, ինչ է:

— Ես նրան բաց թողեցի:

— Ի՞նչպէս, ինչ:

— Գիշերը ես գնացի նրա մօտ. պահապանը, իհարկէ, ներս թողեց: Ես տուեցի նրան վերնազգեստ. Նա հազար և իմ փոխարէն դուրս եկաւ. Ես մնացի: Անկարելի է: Բերէք Լանտենակին:

— Լանտենակը չը կալ: Զինուրները նրան ինձ  
տեղ են ընդունել և թոյլ են տուել, որ հեռանալ:  
Մուժ է եղել, չեն ճանաչել:

— Կրկնում եմ՝ դու խելագարվել ես:

— Ես պատմում եմ այն, ինչ որ եղել է:  
Սիմուրդէնը գունատված՝ արտասանեց.

— Դրա համար քեզ...

— Կը գլխատեն, վրա բերեց Գօվէնը:

Սիմուրդէնը լոեց: Գօվէնը նրա համար ամենաթանգագին մարդն էր: Կարող էր նա երբ և իցէ  
մտածել՝ դատելու իր որդեգրին: Մի րոպէ անցնելուց յետոյ, զսպելով իր յուզմունքը, նա ասաց հաստատուն ձայնով.— Դրա համար քեզ պէտք է դատի ենթարկել: Նստիր:

Գօվէնը նստեց այն նստարանի վրա, որը դըրված էր Լանտենակի համար:

— Պահապան, հանիր սուրդ: Հրամանը կատարվեց:

Սիմուրդէնը փոխեց իր հայրական ձայնը: Նա ասաց բարկացած ձայնով.— Մեղապարտ, վեր կացէք:

Գօվէնը վեր կացաւ: Սիմուրդէնը սկսեց հարցմունքը, բոլոր ձեապաշտութիւնները պահպանելով.

— Ձեր անունը:

Գօվէն:

— Ձեր կոչումը՝

— Վաշտի հրամանատար:

— Դուք ազգական էք փախստականին:

— Ես նրա քրոջ որդին եմ:

— Ձեզ յայտնի է, թէ ինչ պատիժ պէտք է  
ստանար նա:

— Յայտնի է: Դատավճռի տակ եղել է իմ  
ստորագրութիւնը:

— Ձեզ համար պաշտպան ընտրեցէք:

— Ես ինքս կը պաշտպանեմ ինձ:

— Կարող էք սկսել:

Գօվէնը սկսեց մտածել, կարծէք խօսք էր փընտ-  
քում: Սիմուրդէնը կրկնեց.— Ասացէք, ինչ որ ունիք  
ձեզ պաշտպանելու համար:

Գլուխը բարձրացրած, բայց քաշ գցած աչքե-  
րով, առանց ոչ ոքի վրա նայելու, Գօվէնը սկսեց  
խօսել.

— Մի գեպքը մոռացնել տուեց միւսին: Ես  
տեսայ իմ առաջ մի մարդ, որ բարի գործ կատարեց.  
Ես մոռացայ այդ միւսոյն մարդու հարիւրաւոր չար-  
գործերը: Նա ազատեց երեխաներին, և ես չէի կա-  
րող նրան չազատել: Նրա առաջվայ արարքները ես  
մոռացայ և ազատութիւն տուեցի նրան: — Եթէ ես  
մեղաւոր եմ, պատժեցէք ինձ:

— Նա կանգ առաւ: Սիմուրդէնը հարցրեց.

— Ոչինչ չունէք աւելացնելու:

— Ոչինչ:

— Նստեցէք:

Յետոյ կարդացվեցան օրէնքի այն կէտերը, ո-  
րոնցով մահուան պատժի են ենթարկվում նրանք,  
որոնք մասնակից են լինում նշանաւոր յանցաւոր-  
ների փախչելուն:

Սիմուրդէնը ասաց. — Մեղապարտ, ուշադրութեամբ լսեցէք: Մենք դատաւորներս հիմա կը քըննենք՝ արդեօք մեղաւոր էք, թէ ոչ: Մեզանից ամեն մէկը բարձրածայն կը յայտնի իր կարծիքը: Վերջնական դատավճիռը կը կայացնի ձայների բազմութեամբ: Կապիտան, սկսեցէք:

Կապիտանը անշարժ, կարծես քարացած, սկսեց խօսել.

— Օրէնքը պարզ է: Օրէնքը խախտել չի կարելի: — Հին Հռոմում Մանլիոսը հրամալեց գլխատել իր որդուն նրա համար, որ նա յաղթել էր թշրնամուն, չը սպասելով հօր հրամաններին: Այնաեղեղել է միայն դիսցիպլինի — կարգապահութեան խախտում, իսկ այստեղ՝ օրէնքի խախտում: Հպատակվելով կարեկցութեան զգացմունքին, այս մարդը վնաս է տուել իր հալրենիքին: Այսպիսի գէպքում կարեկցութիւնը յանցանք է: Հրամանատար Գօվէնը օգնել է ապստամբ Լանտենակի փախչելուն: Գօվէնը մեղաւոր է: Իմ կարծիքով նրան պէտք է մահուան դատապարտել:

— Արձանագրել, հրամալեց Սիմուրդէնը:

Արձանագրեցին. «Առաջին կարծիք՝ մահուան պատժի ենթարկելու»:

Սիմուրդէնը դարձաւ Բագուբին. — Այժմ ձեր հերթն է:

Դագուբը վեր կացաւ, դարձաւ գէպի Գօվէնը, գլուխ տուեց նրան, և սկսեց իր խրոխտ ձայնով.

— Ուրեմն ինձ էլ պէտք է գլխատել: Երդվում

եմ պատուվս և խղճովս, որ ես էլ կը յանկանալի, սրտանց կը յանկանալի անել նախ՝ այն, ինչ որ արել էր մարկիզը, և երկրորդը՝ այն, ինչ որ արել է Գօվէնը: Հէրց որ ես տեսալ ծերունի Լանտենակը հրգեհի մէջ մտաւ երեք երեխաներին ազատելու համար, ես իսկոյն մտքումս ասացի. «Նա լու մարդ է»: Իմ հրամանատարը ազատել է ծերունուն: «Իա մի այնպիսի գործ է, որ եթէ ինձանից լինէր կախված, ես այս ըոպէին իմ հրամանատարին և՝ աստիճան, և՝ շքանշան կը տալի: Ասում են, որ նրան պէտք է մահուան պատժի ենթարկել: Բայց այն ժամանակ նա կը մեռնի: Խսկ հարկաւոր է, որ նա ապրի, որովհետև նա օգտակար է ամենքի համար: Պատժել նրա համար, որ նա ծերունուն ազատել է: Զէ որ ծերունին ազատեց երեխաներին: Երկուսն էլ լաւ են արել: Եւ ինչի՞ նման կը լինի, եթէ բարի գործի համար պատժենք մարդոց: Միթէ լաւ կը լինէր, եթէ երեխաները ալրվէին: Ինչո՞ւ մարդիկ միենանց միս ուտեն: Զէ որ այդ գազանութիւն է: Մենք մեր հրամանատարին սիրում ենք: Առաջ էլ ենք եղել սիրում, հիմա էլ ենք սիրում: Յիմարութիւն է ասել՝ թէ նրան հարկաւոր է սպանել: Ինչո՞ւ: Անկարելի է:

Բագուբը նստեց վրդովված: Սիմուրդէնը դարձաւ նրան.

— Կը նշանակէ գուք արդարացնում էք Գօվէնին:

— Իմ կարծիքով մեր հրամանատարին պէտք է

բարձր աստիճան տալ. նրան գեներալ պէտք է շինել:  
—Ուրեմն դուք արդարացնում էք նրան:  
Այս, թէ ոչ:

—Եթէ կամենում են անպատճառ մէկի գլուխը կտրել, այն ժամանակ աւելի լաւ է թող իմս կտրեն: Ես համաձայն եմ:

—Արդարացնում է, ասաց Սիմուրդէնը.—Արձանագրեցէք:

Արձանագրեցին. «Երկրորդ կարծիք՝ արդարացնել»:

Մի ձայն մահուան պատժի կողմն է, միւսը՝ արդարացնելու: Զայները բաժանվել են:

Հերթը հասաւ Սիմուրդէնին: Նա կանգնեց: Նա սփրթնել, զարհուրելի, մեռելալին գոյն էր ստացել: Նա խօսում էր ծանր կերպով: Բայց հայեացքը համարձակ էր:

—Յանցաւոր, դարձաւ Սիմուրդէնը դէպի Գօվէնը: Զեր յանցանքի հարցը քննված է երկու կողմից: Մի ձայնի առաւելութեամբ...

Նա կանգ առաւ: Ամենքը սպասում էին: Ո՞ր խօսքի համար էր տատանվում: Կեանքի, թէ մահուան: Վերջապէս նա ասաց:

—Դատապարտվում է մահուան:

—Յետոյ աւելացրեց.—Պատիժը վաղ առաւտեան, երբ արեգակը դուրս կը դալ:

Գօվէնը վեր կացաւ և գլուխ տուեց:

—Հիմա դրան դուրս տարէք, ասաց Սիմուրդէնը: Գօվէնին մերկացրած սրերով դուրս տարան:

X

ՀԱՏԱՊԱՐՏՎԱԾՎԱԾԼ

Բանակը յուզված էր, գժգոհ լինելով, որ Գօվէնին մահուան դատապարտեցին: Սիմուրդէնին չաչափազանց անգութ էին համարում: Կամենում էին, որ նա դատավճիռը փոխի: Բայց նո իր խօսքին հաստատ մնաց: Հրամայեց գլխատման տեղը պատրաստել:

Հասաւ գիշերը: Սիմուրդէնը չը կարողացաւ քնել և գնաց դատապարտվածի մօտ: Գօվէնը նրան դիմաւորեց անկեղծ ուրախութեամբ, և մէկ-մէկ լիշեց այն ամենը, ինչով որ պարտական էր նրան:

—Դու ինձ գաստիարակել ես, դու ինձ զարգացրել ես. քեզանից սովորեցի սիրել ճշմարտութիւնը: Առանց քեզ միթէ ես կարող էի մարդ դառնալ...

Նրանց մէջ սկսվեց իրանց սիրած խօսակցութիւններից մէկը: Նրանք խօսում էին այն մասին, թէ արդեօք կը գա՞ւ մի այնպիսի ժամանակ, երբ մարդիկ միմեանց հետ կը եղբարանան, երբ կը դադարեն պատերազմները և սովը, երբ ամեն չարութիւն կանչետանայ: Գօվէնը լուս ունէր, որ ժամանակով աշխարհի վրա ամեն բան դէպի աւելի լաւը կերթալ: Սիմուրդէնը կասկածում էր և ցնորք էր համարում երիտասարդի ասածները: Վաղվալ համար նրանք ամենեին չէին խօսում, կարծես մոռացել էին վաղվալ օրը: Նրանք կամենում էին թափանցել հեռու ապագան և նախատեսնել, թէ ինչ կը լինի շատ տարիներ անցնելուց յետոյ...

2144

— Նիմա մենք ապրում ենք փոթորիկների մէջ,  
ասում էր Գօվէնը: — Բայց փոթորիկները խօ յաւի-  
տեան չեն շարունակվել: Փոթորիկից յետոյ խաղա-  
ղութիւն կը տիրի և ամեն ինչ կը ծաղկի՝ կրկնա-  
պատիկ, աւելի լաւ: Բնութեան մէջ միշտ ալդպէս  
է լինում: Մէկը մեռնում է, միւսը ծնվում է՝ ա-  
ւելի թարմ, աւելի զօրեղ:

Նա խորասուզվեց մտածմունքի մէջ: Ոչ Գօվէ-  
նը, ոչ էլ Սիմուրդէնը չը նկատեցին, թէ ինչպէս  
մի քանի ժամ միմեանց վրա՝ խօսում էին: Առաւո-  
տը մօտենում էր: Սկսեց լրսանալ: Դրսից լսվում  
էին կացնի հարուածներ: Գլխատման տեղը համա-  
րեա պատրաստ էր: Սիմուրդէնը ցնցվեց և գլուխը  
բարձրացրեց: Գօվէնը մտածում էր ուրիշ բանի վրա  
և չը նկատեց նրա վրդովմունքը: Սիմուրդէնը վեր  
կացաւ լարդէ ներքնակից, որի վրա երկուսն էլ նըս-  
տել էին: Գօվէնը այդ էլ չը նկատեց: Սիմուրդէնը  
կամաց կամաց դուրս եկաւ: Նրա սիրտը կարտվում  
էր. հոգին տանջվում... Գօվէնի կորուսաը նրա հա-  
մար ամենասարսափելի անբախտութիւն էր:

Իգուր էին բանակում խօսում, թէ Սիմուրդէնը  
երևի վերջին ըոպէին կը ների Գօվէնին: Նա չը  
ներեց: Առաւոտեան Գօվէնը գլխատվեց: Բայց հէնց  
այն ըոպէին, երբ նրա վզին վրա բերին կացինը,  
լովեց և մի ուրիշ ձայն՝ ատրճանակի տրաքոց:

Սիմուրդէնը ինքնասպանութիւն գործեց:



2013

